



Broj: 06-04-3-540-4/24
Sarajevo, 17.05.2024. godine

Parlament Federacije BiH
Zastupnički dom
N/r sekretara
Hamdije Kreševljakovića 3
Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 22-05-2024			
Org. jed.	Broj	Priloga	Vrijednost
05/1	-02-	185	124

Predmet: Odgovor na zastupničko pitanje,
- dostavlja se

Veza: Vaš akt, broj: 05/1-02-185/24 od 06.05.2024. godine

Agencija za državnu službu Federacije Bosne i Hercegovine (u daljnjem tekstu: Agencija) zaprimila je 07.05.2024. godine Vaš akt, broj i datum u naslovu, kojim Agenciji na nadležni postupak dostavljate zastupničko pitanje koje je obnovio Sanel Kajan zastupnik u Zastupničkom domu Parlamenta Federacije Bosne i Hercegovine.

Predmetno obnovljeno zastupničko pitanje, kako je navedeno u istom, odnosi se na proceduru prijema Doris Čuljak, predsjednice mladeži HDZ-a BiH Mostar na poziciju u Federalnom ministarstvu prometa i komunikacija.

Postupajući u skladu sa članom 116. stav (3) Poslovnika Zastupničkog doma Parlamenta Federacije Bosne i Hercegovine, pored navedenog u našem prethodnom odgovoru na zastupničko pitanje zastupnika u Zastupničkom domu Parlamenta Federacije Bosne i Hercegovine Sanela Kajana, obavještavamo Vas o sljedećem:

Federalni ministar, pa tako i federalni ministar prometa i komunikacija ima ovlaštenja za donošenje pravilnika o unutrašnjoj organizaciji federalnog ministarstva i sistematizaciji radnih mjesta, kojim se propisuju i posebni uslovi (potrebna stručna sprema, potreban radni staž u struci, kao i ostala znanja i vještine potrebna za obavljanje poslova radnog mjesta) za sistematizirana radna mjesta. Saglasnost na pravilnik o unutrašnjoj organizaciji federalnog ministarstva i sistematizaciji radnih mjesta daje Ured Vlade Federacije Bosne i Hercegovine za zakonodavstvo i usklađenost sa propisima EU, odnosno Federalno ministarstvo pravde.

Agencija objavljuje i provodi javne konkurse za popunu upražnjenih radnih mjesta državnih službenika u federalnim ministarstvima na osnovu posebnih uslova radnih mjesta državnih službenika propisanih pravilnikom o unutrašnjoj organizaciji federalnog ministarstva.

Dalje, na javne konkurse za popunu upražnjenih radnih mjesta državnih službenika koje objavljuje i provodi Agencija mogu se prijaviti svi kandidati koji ispunjavaju opšte i posebne uslove javnog konkursa, potpisujući i dostavljajući prijavu na javni konkurs, a koja sadrži i izjavu datu pod punom moralnom, materijalnom i

Alipašina 6, 71 000 Sarajevo

+ 387 (0) 33 552 040

info@adsfbih.gov.ba

www.adsfbih.gov.ba; www.hrm.adsfbih.gov.ba



krivičnom odgovornošću da kandidat ne obavlja dužnost, djelatnost, niti je na položaju koji dovodi do sukoba interesa sa dužnostima državnog službenika.

Nakon selekcije kandidata prijavljenih na javni konkurs za popunu upražnjenih radnih mjesta državnih službenika, a koja obuhvata stručnu provjeru kandidata i provjeru dokaza o ispunjavanju uslova javnog konkursa, Agencija dostavlja listu uspješnih kandidata rukovodiocu organa državne službe koji vrši popunu upražnjenih radnih mjesta na izbor i nakon pribavljenog mišljenja Agencije postavljenje kandidata na radno mjesto državnog službenika.

Obaveza kandidata je da prilikom postavljenja, a naročito prilikom preuzimanja dužnosti državnog službenika, kao i u periodu obavljanja dužnosti državnog službenika postupa u skladu sa principima državne službe i dužnostima državnog službenika, te da ne obavlja dužnosti, djelatnosti ili da bude na položaju koji dovodi do sukoba interesa sa njegovim službenim dužnostima.

Istovremeno, obaveza rukovodioca organa državne službe koji vrši postavljenje je da osigura i da nadzire primjenu principa državne službe, kao i obavljanje propisanih dužnosti državnih službenika u organu kojim rukovodi.

Također, u slučaju narušavanja principa državne službe i postupanja državnih službenika u suprotnosti sa obavezama državnih službenika propisanim Zakonom o državnoj službi u Federaciji Bosne i Hercegovine, obaveza je takvo postupanje prijaviti upravnom inspektoratu, konkretno u slučaju narušavanja navedenih principa i protuzakonitog postupanja u federalnim organima državne službe Upravnom inspektoratu Federalnog ministarstva pravde, a što može uraditi svako fizičko i pravno lice koje ima saznanja o navedenom.

S poštovanjem,



DIREKTOR

Refik Begić, magistar uprave

Dostaviti:

1. Naslovu
2. Odjeljenju Agencije za provedbu i praćenje primjene zakona o državnoj službi
3. a/a